

Title: Bunga Raya: Pengukuhan Jatidiri Pelajar KUIS melalui Pelestarian Alam Sekitar

Name: *Wawarah Saidpudin; Adibatul Akmal Abdull Razak; Aida Hj. Kamaruddin

Institute: Kolej Universiti Islam Antarabangsa Selangor, KUIS

Kertas kerja ini membincangkan mengenai keprihatinan pelajar KUIS terhadap kelestarian alam sekitar, mengenalpasti jatidiri pelajar KUIS terhadap kesan penanaman Bunga Raya, mengenalpasti perkaitan antara keprihatinan dan jatidiri pelajar KUIS terhadap kelestarian alam sekitar dan menunjukkan peranan universiti terhadap usaha memelihara alam sekitar khususnya di kampus sebagai satu tanggungjawab sosial universiti. Sebagai menyahut Kempen Menanam Pokok Bunga Raya sempena sambutan Hari Landskap Negara yang dilancarkan pada 3 Mac 2005, satu sejarah penanaman 2007 batang pokok Bunga Raya dalam masa 50 saat telah diukir oleh Kolej Universiti Islam Antarabangsa Selangor (KUIS) pada 3 Ogos 2007. Inisiatif yang diambil oleh KUIS untuk menanam pokok Bunga Raya secara besar-besaran ini mendapat pengiktirafan oleh 'Malaysian Book Of Records'. Dalam pada masa yang sama, projek ini berjaya mengangkat darjat Bunga Raya sebagai bunga kebangsaan, Sekaligus memupuk semangat patriotik dan cintakan alam sekitar. Peristiwa ini turut dijadikan teras penghayatan kepada warga kampus mengenai sejarah, fungsi dan kepentingannya kepada negara. Usaha ini turut menjadi pemangkin untuk mengukuhkan jatidiri warga KUIS melalui pelestarian alam sekitar.